



Talosaga mo le sitiseni Niu Sila i lalo o le fuaiupu 7A o le Tulafono Sitiseni 1982 (Samoa i Sisifo)

E mafai ona e talosaga mo le sitiseni Niu Sila pe afai na e fanau i Samoa i le aso tonu po o le mavae atu o le aso 13 Me 1924 ma e le i aulia le aso 1 Ianuari 1949, po o lou ausia o se tasi o isi tulaga e agavaa ai o lisi atu.

Tulaga e agavaa ai

E tatau ona e ausia se tasi o tulaga e fa e agavaa ai:

1 — Fanau mai i Samoa i Sisifo

Na e fanau i Samoa i Sisifo i le aso tonu po o le mavae atu o le aso 13 Me 1924 ma e le i aulia le aso 1 Ianuari 1949.

2 — Na faaipoipo atu i se tasi na te ausia le tulaga 1 e agavaa ai

O oe o se tamaitai na faatulafonoina lau faaipoipoga a o le i aulia le aso 1 Ianuari 1949 i se tasi na te ausia le tulaga 1 e agavaa ai.

3 — Fanau mai mātua e agavaa ai

Na fanau mai se tasi o ou matua i Samoa i Sisifo i le aso tonu po o le mavae atu o le aso 13 Me 1924 ma e le i aulia le aso 1 Ianuari 1949, ma na e fanau mai a o le i aulia le aso 1 Ianuari 1949 i le vaitaimi o le pulega Malo o Peretania.

4 — Na faaipoipo atu i se tasi na te ausia le tulaga 3 e agavaa ai

O oe o se tamaitai na faatulafonoina lau faaipoipoga a o le i aulia le aso 1 Ianuari 1949 i se tasi na te ausia le tulaga 3 e agavaa ai.

Auala e fai ai se talosaga

E totogi le faia ai o se talosaga mo se sitiseni Niu Sila e pei ona faamauina i lalo o le Tulafono e \$204.45 NZD.

E toe faafoi atu le totogifuaapau atoa mo le talosaga, pe a faamanuiaina lau talosaga.



Lolomi se kopi o le pepa talosaga

E maua kopi o pepa talosaga i le Gagana Samoa ma le Faaperetania mai le govt.nz/citizenship-samoa-pre-1949

Manatua: E lē mafai na tuuina mai talosaga i le imeli po o le initaneti.



Tuuina mai faamaumauga o moomia o le pepa talosaga

Ia mautinoa o sa'o faamatalaga o moomia, e aofia ai:

- lua ata tusifolau le lautetele, na faamaonia e se molimau
- lau pepa fanau
- lau tusifolau, faamaumauga tau femalagaiga, po o se ID aloaia faalemalo

Manatua: E moomia uluai faamaumauga ua faamaonia po o kopi o faamaumauga ua faamaonia e le Ofisa Amapasa Niu Sila po o se aufaigaluega aloaia a le DIA.



Tuuina mai lau talosaga

E lafo i le meli po o lou susū sa'o i le ofisa:

- E mafai na tuuina atu lau talosaga i le ofisa a le DIA i Aukilani, Ueligitone, Kalaiesetete ma Sini Ausetalia. Faafesootai le DIA e faatonu ai sou avanoa
- O le New Zealand High Commission i Apia

O le ā le isi laasaga?

- E faafesootai atu oe e le Ofisa Sitiseni i le imeli pe afai ua taliaina lau talosaga.
- Pe ā ma le 30 aso faigaluega e faagaioia ai talosaga, faaopoopo i ai ma le taimi e lafo atu ai.

Moomia se fesoasoani?

A fia faatonu se avanoa e tuuina mai ai lau talosaga po o tulaga foi o fia fesili ai, faafesootai mai i le:

Telefoni Vili Fua: 0800 22 52 12 (na o Niu Sila)

Telefoni: +64 9 339 0853 (fao atu o Niu Sila)

Imeli: Citizenship.Samoa@dia.govt.nz

Upegatafailagi: govt.nz/citizenship-samoa-pre-1949